

## Պարգևներ (Endowments), Աւանդներ (Trusts) եւ Նուիրատուութիւններ

Հիմնադրամին մասնակցութիւնը դիրացնելու համար, ԳՀ-ն, հաւանական նուիրատուներուն կու տայ զանազան կարելիութիւններ մասնակցելու մայր ֆոնտի մը կամ հաստատելու առանձին ընտանեկան ֆոնտեր կամ աւանդներ, ըստ նուիրատուներու նախասիրութեան, նպատակներուն կամ նիւթական պայմաններուն:

Պարգևներ հաստատելու համար նուիրատուն կրնայ մասնակցիլ նուիրելով կանխիկ դրամ, բաժնետիրութեւ կամ որեւէ ստացուածքի շահաբաժին:

Հետեւեալը ամփոփ նկարագրական մըն է պարգևի եւ կամ աւանդի ձեւով ֆոնտեր հաստատելու պայմաններուն եւ հետեւանքներուն մասին:



**1. Պարզ նուիրատուութիւններ**, (1000 տոլարէ նուազ) - նուիրատուն կը ստանայ տուրքէ զերծ ստացագիր, նուիրատութեան գումարին համարժէք: Նուիրուած գումարը կը հատկացուի պատշաճ նպատակներու, ֆոնտի մարմնի հայեցողութեան համաձայն:

**2. Պարզեւներ**, (1000 տոլար եւ ւելի) – նուիրատուութիւնը կրնայ ներառուիլ գոյութիւն ունեցող ֆոնտերէն մէկուն մէջ, նուիրատուի գրաւոր համաձայնութեամբ: Նուիրատուն կը ստանայ տուրքէ զերծ ստացագիր, նուիրատուութեան գումարին համարժէք: Նուիրատուութեան դրամագլուխը կը պահպանուի եւ շահարկման հասոյթը կը յատկացուի որոշեալ ֆոնտի նպատակներուն:

**3. Ընտանեկան Պարգևներ**, (25,000 տոլարէ աւելի) – նուիրատուութիւնը կրնայ ներառուիլ գոյութիւն ունեցող ֆոնտերէն մէկուն մէջ, նուիրատուի գրատր համաձայնութեամբ: Նուիրատուն կը ստանայ տուրքէ զերծ ստացագիր, նուիրատուութեան գումարին համարժէք: Նուիրատուութեան դրամագլուխը կը պահպանուի եւ շահարկման հասոյթը կը յատկացուի որոշեալ ֆոնտի նպատակներուն, կամ ֆոնտի մարմնին հետ համաձայնաբար, նուիրատուն կրնայ ճշդել որ շահարկման հասոյթը յատկացուի ֆոնտի նպատակներուն հետ համընկնող նպատակի մը: Նուիրատուութիւնը կ'արձանագրուի ԳՀ-ի տարեկան տեղեկագրին մէջ, նուիրատուի մականունով, որպէս ընտանեկան պարգէ:

**4.Առանձնապես կառավարուած Պարգեւներ, (50,000 տոլար կամ ատէի) - ֆոնտը կը ստանայ ընտանեկան որակումը վերեւ նկարագրուած պայմաններով, սակայն, նուիրատուն կրնայ խնդրել ֆոնտի անկախ տնօրինումը, սահմանելով շահարկման ձեւը: Սահմանումները պէտք է ընդունելի ըլլան Տնօրէն Մարմնին:**

**5.Աւանդներ,** (առնուազն 50,000 տողար)- Աւանդ մը կարելի է հաստատել անհատի մը կամ կազմակերպութեան մը նախաձեռնութեամբ: Նուիրատուն ԳՀ-ին կը փոխանցէ գումար մը կամ ստացուածք մը, որ կը շահարկուի Խնամակալ Մարմնի կողմէ:

Աւանդի դրամագլուխին օրինական տէրը կը մնայ նուիրատուն, եւ կրնայ իրեն վերադարձուիլ իր փափաքով, յարգելով իր եւ ԳՀ-ի միջեւ համաձայնուած պայմանները: Նուիրատուն կը ստանայ տուրքէ զերծ ստացագիր, միայն աւանդի տարեկան շահարկման հասոյթին համարժէք, որ կը գործածուի ճշդուած նպատակներու համար:

Աւանդը կ'արձանագրուի ԳՀ-ի տարեկան տեղեկագրին մէջ, որպէս ընտանեկան կամ կազմակերպական աւանդ:

